

kapazangalaw na ngai zi na valray

ulra sayawari sasa a trau mitinenges i tranguru' kana vulretri' na himpu, mukuwa kana ruma' na Saninay kimazangi. mena'u kani Saninay mu, tu pahametrav nantu lima na zuwaya zi marengay, “ namaste! ” mavangavang i Saninay zi kiumalr, a eman, marengay u za eman? izu na trau masalr marengay “ namaste! ” kemianger i Saninay mu, kamawan za kiyaumalr kantaw intaw. zianay pureira zi temuvang “ a! 'inavayan! kiumalra ku kemay i iyan u? maaya' u kani eman? ” penapiya marengay, kinger kanizu na trau za 'azi malrazam kinger intaw tu ngai na Valraka.

maw na 'azi maruwa mazazayar nazu na zazuwa, semeneng mara'inava lra nu manana'u zazuwa. penauwa za meraredek i temamataw ni Saninay, zi maziya lra ini na samazan.

ta kurelranay hareman kani cikiw, ulra karuwa enem kuzulr walu leman na pinigayan. kani Taiwan mu, ulra marekapida a pinigayan, ulra a zuma tu trau na zekalr mu, nantu pinigayan mawmau nazu na sazekalran na malrazam kinger.

saya a ngai nu mararengr za pulrayatr tremungulr mu, na mararengay kanini na ngai na trau marasaemaema mu, 'azika'azi kazu mararengay a

pulu' kuzaw na trau. mawmu, harem ulra marasazu parekazuwa na ngai, na mingangai mu, 'azi melavat za zuwa kuzulr lima leman na trau. nu malremes na ngai mawmau kalralremes sazu nantu kakuwayanan zi nantu i kavulay na lrazaman. kalralremes za ngai mu, iniyan za kararuwa paka'azi masepelr a trau kanini na lremak, mawmu ulra na trau muramawan venaaw kana ngai zi penakasa 'azi mapapalak.

'inava nu marasazu, mawmau nu kemani mu, na trau kararuwa kuredalrep kana marekamelrimelri na niranger zi za wayway. paruwalruwanay za i punapunan mawmau musama' lra sasaya na pinigayan, kemazu kalralremes na trau zi na “ kakuwayanan ” na sayhuwan zi kezan.

maw na kemani zi ara menadanadama ta zantu pinigayan kana zuma kanatal tu ngai zi, maranger ta temalram kimazayar, aramawana amanan malalup emepetr inta zanta pinigayan, pawnung pakanu pazangal kana kirekamelri na ngai zi kakuwayanan valray, kurisaesayan na ngai zi nantu pinikazu na sayhuwan na trungutrongulran, maruwaya dika mutrongulr kana makaludus na trungulran nanta ngai.

尊重各種母語

有天一個綁白頭巾的人來到 Saninay 家中拜訪，雙手合掌說：

「Namaste！」Saninay 尷尬、兩人無法溝通，幸好 Saninay 的爸爸回

家才結束這窘境。

目前地球上約有六千八百種語言！許多國家混用不同的語言；甚至有些部落使用的語言，只有該部落的人才聽得懂。假如語言只剩一種，人類可能會失去「人文」。因此學習其他語言，嘗試與他人溝通時，絕不要忘記保存自己的語言，並尊重不同的語言與文字，讓每一種語言與其智慧傳統，都能順利傳遞下一代。